

HYSBYSIAD PREIFATRWYDD: GWAITH YN YR ARFAETH

Mae'r hysbysiad preifatrwydd hwn yn cwmpasu sut bydd gwasanaeth Gwaith yn yr Arfaeth Cyngor Sir Penfro yn casglu a defnyddio data personol er mwyn eich cefnogi chi yn ystod eich cyfranogiad yn y cynllun.

Pam rydym angen eich gwybodaeth (dibenion prosesu)

Byddwn yn casglu a defnyddio eich gwybodaeth bersonol er mwyn:

- asesu'r gwasanaeth Gwaith yn yr Arfaeth rydych yn gymwys i'w dderbyn a'r un sy'n diwallu eich anghenion orau
- darparu gwybodaeth, cyngor ac arweiniad cyfredol, diduedd i chi.
- monitro'r cymorth a'r gwasanaethau sy'n cael eu darparu i'n cwsmeriaid.
- rhannu'r wybodaeth briodol gyda'r adrannau mewnol a'r sefydliadau allanol priodol i sicrhau cydymffurfiaeth â pholisïau a gweithdrefnau diogelu os oes angen.
- tystiolaeth o'ch cymhwyster i dderbyn cymorth ariannol trwy ein rhaglenni a ariennir gan grantiau a chytundebau fel a ganlyn:
 - Cymunedau am Waith - ariennir yn rhannol trwy Gronfa Gymdeithasol Ewrop trwy Lywodraeth Cymru a rheolir yn lleol gan Gyngor Sir Penfro
 - Cymunedau am Waith a Mwy - ariennir trwy Lywodraeth Cymru a rheolir yn lleol gan Gyngor Sir Penfro
 - Dyfodol Ieuencid Sir Benfro - ariennir yn rhannol gan Gronfa Gymdeithasol Ewrop trwy CGGC (Cyngor Gweithredu Gwirfoddol Cymru) a rheolir yn lleol gan Gyngor Sir Penfro
 - Cynllun Kickstart - ariennir gan yr Adran Gwaith a Phensiynau
 - Hyfforddeiaethau - ariennir yn rhannol trwy Gronfa Gymdeithasol Ewrop trwy Lywodraeth Cymru a rheolir yn lleol gan Gyngor Sir Penfro
 - Prentisiaethau - ariennir yn rhannol trwy Gronfa Gymdeithasol Ewrop trwy Lywodraeth Cymru a rheolir yn lleol gan Gyngor Sir Penfro
 - Cynllun Profiad Gwaith Ysgolion - ariennir trwy Lywodraeth Cymru a rheolir yn lleol gan Gyngor Sir Penfro
 - Cynnydd - ariennir trwy Gronfa Gymdeithasol Ewrop trwy Lywodraeth Cymru a rheolir yn lleol gan Gyngor Sir Penfro

Pa fath o ddata personol sy'n cael ei gasglu?

Byddwn yn prosesu'r mathau dilynol o wybodaeth pan rydych yn cysylltu â ni. Byddwn ond yn prosesu beth sy'n angenrheidiol ac yn gymesur;

- Bywgraffiadol (enw, cyfeiriad ac ati)
- Demograffig
- Eich sefyllfa economaidd bresennol (derbyn budd-daliadau, eich sefyllfa a manylion cyflogaeth)
- Os yw'n berthnasol, manylion ynghylch unrhyw gymorth rydych yn ei dderbyn a pha gymorth y gallech fod ei angen neu'n dymuno ei gael.
- Y rhwystrau sy'n eich atal rhag datblygu yn eich cyflogaeth neu eich hyfforddiant.

Mewn rhai achosion, efallai y bydd angen i ni ofyn am ddata ychwanegol neu i chi rannu data mwy sensitif megis unrhyw beth sy'n ymwneud â'ch iechyd neu unrhyw anabledd. Data categori arbennig yw hwn a bydd ond yn cael ei brosesu pan fydd yn angenrheidiol i wneud hynny.

Beth yw ein sail gyfreithiol ar gyfer prosesu eich data personol?

Y sail gyfreithiol ar gyfer prosesu eich data yw ei fod yn angenrheidiol i'ch cefnogi chi yn ystod eich cyfranogiad yn ein cynllun.

Mae'r Rheoliad Cyffredinol ar Ddiogelu Data yn gofyn am fodloni amodau penodol er mwyn sicrhau ein bod yn prosesu eich data personol yn gyfreithlon. Mae'r amodau perthnasol isod:

- Erthygl 6 (1)(e) - mae'r prosesu'n angenrheidiol i gyflawni tasg a gynhelir er budd y cyhoedd neu wrth arfer awdurdod swyddogol wedi'i freinio yn y rheolydd.

Mae prosesu categorïau arbennig o ddata personol, sy'n cynnwys data sy'n ymwneud ag iechyd yr unigolyn, wedi'i wahardd oni bai bod amodau pellach penodol yn cael eu bodloni. Mae'r amodau ar gyfer prosesu'r cyfryw ddata fel a ganlyn:

- Erthygl 9 (2)(g) – mae'r prosesu'n angenrheidiol am resymau sydd o fudd sylweddol i'r cyhoedd, ar sail cyfraith yr Undeb neu'r Aelod-wladwriaeth a fydd yn gymesur â'r amcan a geisir, yn parchu hanfod yr hawl i ddiogelu data ac yn gosod mesurau addas a phenodol i ddiogelu hawliau a buddiannau sylfaenol gwrthrych y data.

Rydym yn prosesu eich data categori arbennig oherwydd ei fod yn ofynnol i sicrhau ein bod yn darparu cyfle cyfartal ac yn mynd i'r afael â rhwystrau a allai eich atal rhag datblygu. Hefyd, mae'n cael ei ddefnyddio er mwyn sicrhau bod unrhyw gymorth, profiad gwaith, hyfforddiant, gwirfoddoli neu gyflogaeth yn briodol ac yn diwallu eich anghenion iechyd a lles.

Y bobl y byddwn yn rhannu eich gwybodaeth gyda nhw

Er mwyn ein galluogi i'ch cefnogi a darparu cymorth, bydd angen i ni rannu eich gwybodaeth personol gyda phartion eraill. Bydd y rheiny'n cynnwys:

- Llywodraeth Cymru
- Swyddfa Cyllid Ewropeaidd Cymru
- Adran Gwaith a Phensiynau
- Canolfan Byd Gwaith
- Cyngor Sir Caerfyrddin
- Cymunedau am Waith
- Cymunedau am Waith a Mwy
- Dyfodol Ieuenctid Sir Benfro
- Cynllun Kickstart
- Cynllun Profiad Gwaith Ysgolion
- Hyfforddeiaethau
- Prentisiaethau
- Prosiectau Cyflogadwyedd Sir Benfro
- Cynnydd
- Cam Nesa
- Timau a gwasanaethau eraill o fewn Cyngor Sir Penfro, er enghraifft, Gwasanaethau Cymdeithasol a Thai.

Dyletswydd Cyngor Sir Penfro yw diogelu'r cronfeydd cyhoeddus y maent yn eu rheoli. Felly, efallai bydd y wybodaeth rydych wedi'i darparu'n cael ei defnyddio er mwyn atal a chanfod twyll ac at ddibenion archwilio yn fewnol ac yn allanol.

Am ba hyd fydd fy nata personol yn cael ei gadw gan y Cyngor?

Bydd Cyngor Sir Penfro ond yn cadw eich gwybodaeth am gyhyd ag y bydd angen. Bydd y wybodaeth rydych yn ei darparu yn cael ei chadw'n ddiogel a'i chadw yn unol ag Amserlen Cadw

Commented [C1]: The original English version reads "Welsh Government Funding Office European Commission." These both exist as separate entities and following the advice of one of our editors, we chose to opt to translate it as the Welsh European Funding Office. Please feel free to contact us if this is incorrect.

Cyngor Sir Penfro a/neu Ganllaw Cadw Llywodraeth Cymru, yr Adran Gwaith a Phensiynau a Swyddfa Cyllid Ewropeaidd Cymru sydd i'w weld ar wefan Llywodraeth Cymru; Rheolau cymhwysedd Swyddfa Cyllid Ewropeaidd Cymru (WEFO):

Byddwn yn gwaredu eich gwybodaeth yn ddiogel pan nad oes ei hangen mwyach. Os hoffech dderbyn mwy o fanylion am ein cyfnodau cadw, cysylltwch â'r gwasanaeth Gwaith yn yr Arfaeth trwy e-bostio: futureworks@pembrokeshire.gov.uk.

Eich Hawliau Chi

O dan y gyfraith diogelu data, mae gennych hawliau sy'n cynnwys:

- Yr hawl i gael cywiriad - mae gennych yr hawl i ofyn i ni gywiro gwybodaeth sy'n anghywir yn eich tyb chi. Hefyd, mae gennych yr hawl i ofyn i ni gwblhau gwybodaeth sy'n anorffenedig yn eich tyb chi;
- Mewn rhai amgylchiadau (e.e. pan fydd cywirdeb wedi'i gwestiynu), i ofyn i'r gwaith o brosesu eich data personol cael ei gyfyngu;
- Mewn rhai achosion, mae gennych yr hawl i wrthwynebu'r gwaith o brosesu eich data personol;
- Yr hawl i gael mynediad - mae gennych yr hawl i ofyn i ni am gopiâu o'ch data personol. I wneud cais, cysylltwch â:

Mynediad i Gofnodion

Cyngor Sir Penfro

Neuadd y Sir

Hwlfordd

SA61 1TP

E-bost: accesstorecords@pembrokeshire.gov.uk

Ffôn: 01437 775798

Cwynion ac Ymholiadau

Nid yw'r hysbysiad preifatrwydd hwn yn darparu'r holl fanylion ynghylch pob agwedd ar ein proses o gasglu a defnyddio gwybodaeth bersonol. Fodd bynnag, rydym yn hapus i ddarparu unrhyw wybodaeth ychwanegol neu esboniad sydd eu hangen. Dylech gyfeirio unrhyw geisiadau at y cyfeiriad isod:

Jo Hendy, Swyddog Diogelu Data, Cyngor Sir Penfro,

Neuadd y Sir, Hwlfordd

SA61 1TP

E-bost: dataprotection@pembrokeshire.gov.uk

Ffôn: 01437 764551

Os ydych am wneud cwyn am y ffordd yr ydym wedi prosesu eich data personol, cysylltwch â Swyddfa'r Comisiynydd Gwybodaeth fel y corff statudol sy'n goruchwyllo'r gyfraith ynglŷn â diogelu data

Information Commissioner's Office

Wycliffe House

Water Lane

Wilmslow

SK9 5AF

Gwefan: <https://ico.org.uk/>

Rhif Ffôn: 0303 123 1113

Ein manylion ni fel Rheolydd Data

Gwaith yn yr arfaeth

Ffôn: 01437 775437

E-bost: futureworks@pembrokeshire.gov.uk

Newidiadau i'r hysbysiad preifatrwydd hwn

Rydym yn adolygu ein hysbysiad preifatrwydd yn rheolaidd.